

Na osnovu člana 17. stav 1. Zakona o javnim nabavkama ("Službeni glasnik BiH" broj: 39/14) i člana 2. stav 3. Pravilnika o postupku direktnog sporazuma ("Službeni glasnik BiH" broj: 90/14) i člana 2. stav 6. Pravilnika o postupku direktnog sporazuma za nabavku roba, usluga i radova u Gradu Tuzla ("Službeni glasnik Grada Tuzla" broj: 2/15), a u vezi sa tačkom I Rješenja o prenosu ovlaštenja na državnog službenika u organu državne službe broj: 02/05-A-4446-2019 od 01.07.2019.godine, Pomoćnik gradonačelnika za Službu za ekonomski razvoj, poduzetništvo i poljoprivredu, donosi

POSEBNU ODLUKU o pokretanju postupka javne nabavke

Član 1.

Ovom Posebnom odlukom odobrava se i pokreće postupak direktnog sporazuma za nabavku usluga i to: NABAVKA USLUGA ODRŽAVANJA APLIKATIVNOG SOFTVERA "BAZA PODATAKA POSLOVNIH SUBJEKATA".

Oznaka i naziv iz JRJN: 72212610-8 - Usluge razvoja programske podrške za bazu podataka.

Član 2.

Postupak za zaključivanje ugovora provest će se putem direktnog sporazuma.

Član 3.

Procijenjena vrijednost nabavke putem direktnog sporazuma bez uračunatog poreza na dodanu vrijednost je 2.400,00 KM.

Član 4.

Predmetna nabavka vršit će se iz sredstava budžeta Grada Tuzla, sa pozicije Službe za ekonomski razvoj, poduzetništvo i poljoprivredu, Izdaci za hardverske i softverske usluge, ekonomski kod 613934.

Član 5.

Ova Odluka stupa na snagu danom donošenja.

Obrazloženje

Procijenjena vrijednost ove nabavke je 2.400,00 KM bez poreza na dodanu vrijednost te će se u skladu sa vrijednosnim razredom predmetne nabavke postupak nabavke provesti putem direktnog sporazuma.

Posebnu odluku o pokretanju postupka javne nabavke je potrebno donijeti jer nije donesen Plan javnih nabavki Grada Tuzla za 2021. godinu, iz razloga što još nije usvojen Budžet Grada Tuzle za 2021.godinu, a isti su u fazi donošenja.

U skladu sa naprijed navedenim te u skladu sa članom 17. stav 1. Zakona o javnim nabavkama, članom 2. stav 3. Pravilnika o postupku direktnog sporazuma i članom 2. stav 6. Pravilnika o postupku direktnog sporazuma za nabavku roba, usluga i radova u Gradu Tuzla donosi se ova posebna odluka.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za ekonomski razvoj,
poduzetništvo i poljoprivredu
Broj: 04/11-A-000054-2021
Tuzla, 27.01.2021.godine**

**Pomoćnik gradonačelnika za
Službu za ekonomski razvoj, poduzetništvo i poljoprivredu**

Dr.sc. Zijad Lugavić, dipl.oec.